



Fedde Yellitgol Demngal  
Wolof e Muritani. yamiroore  
1482/MINT/DAP,  
2 deesaamburu 1980.



Fedde Bamtaare Pulaar e  
Muritani, yamiroore  
000542/MINT/SAB,  
4 Suwee 1976



Fedde Yellitgol Demngal e  
Pinal Sooninke e Muritani  
yamiroore 009/MINT,  
3 Mars 1978.

---

## Ko faati e naatnugol jaŋde demde ngenndiije he Dudal Ngenndiwal Njuɓɓudi laamu e Jaaynugol e Ñaawoore (ENAJM)

Jokkorde pelle pinal ngenndiije pulaar, sooninke e wolof (FBPM, AMPLCS, APROLAWO) nanii, rewruude e jaayde, kurmbitgol, ñalnde alkamiisa 15 oktoobar 2020, tumbudu heblo he nder demde ngenndiije wonande doge « *ñaawoore* » e « *njuɓɓudi laamu* », to Dudal ngenndiwal Njuɓɓudi laamu e Jaaynugol e Ñaawoore (ENAJM).

Pelle amen dee, sabu mum en wonde pelle-baafal hare ngam keɓtingol timmungol demde men ngenndiije rewruude e laawdingol mum en, e kuutoragol mum en he nder denndaangal fannuuji nguurndam leydi ndii, mbaawata tan ko weltaade e ndee feere, so janningol demde Pulaar, Sooninke e Wolof to ENAJM, ngam, e yeru, « *kalfinaado njuɓɓudi laamu ine waawaa haaldude, hunuko e nofru, e bidɗo leydi he nder demngal ngal buri nande* ».

Kono tan, e miijo amen, ndee feere hesere ine luurondiri e hoore mum, sibu ko toɗɗii « *kalfinaado njuɓɓudi laamu* » e « *ñaawoowo* » koo, buri toɗɗaade kadi ko janningoowo e cafroowo, kam e denndaangal mecce jowitiide e mbaawka laamu. Ko duum tagi, so en njidii ndee feere yettoo no moyyi faandaare mum toɗɗaande ndee, alaa-e-sago nde naatta e feere burnde yaajde, so mbayliigu tippudi nehdi e jaŋde tuugiingu e janningol demde men ngenndiije dee kala, nde tuugoo e politik goonganteejo laawdingol demde Pulaar, Sooninke e Wolof.

Ko ndeen tan ENAJM e denndaangal juɓɓule jaŋde e heblo ngonata nokkuuji mahooji ngootaagu ngenndi, di ngona kadi kuutorde baawde rokkude halfinaabe njuɓɓudi laamu bee, ñaawoobe bee, e jaaynoobe bee, e denndaangal fanniyankoobe « *gede ndenndaandi* », gannde paatude e demde, e pinal e renndo, gaddanooje dum en waawde jokkondirde e yimbe do be ngollotoo doo, kam e waawde ardaade gardagol juumtungol.

Nuwaasoot ñalnde 20/10/2020  
Jokkorde pelle pinal